

2023-mut Nunatta Karsiata naatsorsuutaasa akuersissutigineqarnissaannik siunnersuut

pillugu

Kukkunersiuinermut Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Kukkunersiuinermut Ataatsimiititaliap suliarinninnermini kingullermik ukuninnga inuttaqarpoq:

Inatsisartunut ilaasortaq Mikivsuk Thomassen, Inuit Ataqatigiit, siulittaasoq

Inatsisartunut ilaasortaq Nivi Olsen, Demokraatit, siulittaasup tullia

Inatsisartunut ilaasortaq Pipaluk Lynge, Inuit Ataqatigiit

Inatsisartunut ilaasortaq Doris J. Jensen, Siumut

Inatsisartunut ilaasortaq Karl Tobiassen, Siumut

Ataatsimiititaliami ilaasortat ulloq 4. november 2024 inissitsiterneqarput.

2023-mut Nunatta Karsiata naatsorsuutaasa akuersissutigineqarnissaannik Inatsisartut aalajangiiffigisassaattut siunnersuut ulloq 28. maj 2024 upernaakkut ataatsimiinnermi siullermeerneqarpoq. Siullermeerneqarnerata kingorna siunnersuut ataatsimiititaliamit misissorneqarpoq.

1. Aallarniut

2023-mut Nunatta Karsiata naatsorsuutai Kukkuersiuiinermut Ataatsimiititaliamit misissorneqarput tamannalu tunngavigalugu Naalakkersuisunut allakkatigut apeqqutinik nassiussinikuulluni. Taamatutaaq Naalakkersuisup akissuteqaatai pillugit ataatsimiititaliaq malitseqartitsilluni apeqquteqarnikuvoq. Naatsorsuutit pillugit nassuiaatit kiisalu kukkuersiuiinermut nalunaarusiaq pillugu Naalakkersuisut oqaaseqaataat aallaqqaasiutigalugit ataatsimiititaliap naatsorsuutit pillugit sulini aallartippaa. Matumani isumaliutissiissut kukkuersiuiinermut nalunaarusiami tigulaakkanik, ataatsimiititaliap allakkatigut apeqqutaanit tigulaakkanik kiisalu tassunga Naalakkersuisut oqaaseqaataannik akissuteqaataannillu ilaatigut imaqarpoq.

Apeqqutit oqaaseqaatillu tamarmik Naalakkersuisunit akissuteqarfigineqareernikuusut isumaliutissiissummut ilanngussatut kakkiiunneqarput tak. Inatsisartut aamma Naalakkersuisut pillugit Inatsisartut inatsisaat §18 imm. 1. paasissutissat isertuussassat aamma/imaluunniit inunnut ataasiakkaanut tunngassutillit minillugit, taakkua ilanngussanut ilaatinneqanngillat.

1.1. Kukkuersiuiinermut Ataatsimiititaliami siunertat suliassallu

Pisortat aningaasaataannik ingerlatsineq pillugu inatsisartoqarnikkut nakkutilliinerup tapersorneqarnissaa pisortatigoortumik kukkuersiuiinermi siunertaavoq. Kukkuersiuiinermut Ataatsimiititaliap suliassai Inatsisartut aamma Naalakkersuisut pillugit Inatsisartut inatsisaanni §18-imi aamma §19-imi ersarinnerusumik allaqqapput.

Kukkuersiuiinermut Ataatsimiititaliap suliassaani pingaarnerpaaq naatsumik oqaatigissagaanni tassaavoq, ukiumut ataasiarluni Nunatta Karsiata Naatsorsuutaanik misissuinissaq tassungalu kukkuersiuisut oqaaseqaataannik misissuinissaq. Inatsisartoqarnikkut nakkutiginninnermi makkua misissuinnermit qulakkeerneqassapput 1) naatsorsuutit eqqortuunersut (aningaasaqarnermik kukkuersiuiineq), 2) inatsisit, malittarisassat, aningaasaliissutit nalunaarutigineqarnikut allallu najoqqutassat malinneqarnersut (inatsisit atuutsinneqarnerannik kukkuersiuiineq), aamma 3) Nunatta Karsiata aningaasaatai malitassat malillugit pisortani pitsaasumik aningaasaqarnikkut aqutsinermi ingerlanneqarsimanersut, tassunga ilanngullugu pisortatigut aningaasalersuinernut atatillugu sipaarniarnissap, naammassisagarluarnissap sulilluarnissallu qulakkeerneqarnissaannut sapinngisamik naammaginartumillu qanoq iliortoqarsimanersocq (ingerlatsinermik kukkuersiuiineq).

Naatsorsuutit pissutissaqartitsisimappata Kukkuersiuiinermut Ataatsimiititaliaq allakkatigut apeqqutinik oqaaseqaatinillu Naalakkersuisunut saqqummiussissaaq. Taamaattoqartillugu Naalakkersuisut kukkuersiuiinermut nalunaarummut akissutaat kiisalu oqaaseqaataat Kukkuersiuiinermut Ataatsimiititaliap isumaliutissiissutaanut ilanngunneqartarput, taannalu aappassaaneerinninneri Inatsisartunut saqqummiunneqartarpoq. Tamanna tunngavigalugu

Inatsisartunit aalajangiiffigineqartarpoq, Kukkunersuinermit Ataatsimiititaliamit isornartorsiuqassaqartillugu, ingerlatsinermit akisussaasuusumut kinguneqartitsisoqassanersoq. Nunatta Karsiata Naatsorsuutaanik ataatsimiititaliap misissuineranut atatillugu Kukkunersuinermit Ataatsimiititaliaq isornartorsiuqassaqartillugu, Naalakkersuisut tassaassapput – naalakkersuinikkut akisussaasuusutut – pissutsit pineqartut pillugit aaqqiissuteqarniartussat.

Isumaliutissiisummi matumani siunertaq tassaavoq:

- Naalakkersuisut aningaasaliissutaasunik qanoq ingerlatsisimanerat pillugu kiisalu Inatsisartut aalajangiiffigisaat atuuffissaannut ingerlateqqissimaneraat Inatsisartunut ilisimatitsissutigissallugu.
- Peqqussutigineqassalluni isornartorsiuqassaqartillugu Naalakkersuisut iliuuseqarlutillu aaqqiissuteqartarnissaat. Taamaattoqartillugu pissutsit qanoq aaqqiiviginiarneqarnersut pillugu Naalakkersuisut akisussaasuusut ataatsimiititaliamit nassuiaateqaqquneqartassapput. Naammaginartumik akisoqanngippat aamma naammaginartunik pitsanngoriaateqartoqanngippat suliassaq Kukkunersuinermit Ataatsimiititaliami iperarneqarunnangilaq.

Tassani Kukkunersuinermit Ataatsimiititaliap Namminersorlutik Oqartussat aktiatigut soqutigisaannik Naalakkersuisut suliaqarnerat nakkutigissallugu tak. Inatsisartut aamma Naalakkersuisut pillugit Inatsisartut inatsisaanni §19, nr. 26, 18. november 2010-meersoq. Nakkutilliinermut atatillugu aktianik pigineqatigiiffiit Namminersorlutik Oqartussanit tamakkiisumik pigineqartut imaluunniit pigineqataaffigineqartut ingerlanneqarnerini aningaasaqarnikkut tulluurtumik isumagineqarnissaat Naalakkersuisunit naammattumik qulakkeerniarneqarsimanersoq pillugu ataatsimiititaliaq naliliisinnaavoq.

1.2. Kukkunersuinermit Ataatsimiititaliami nalilersuutit tullerriaarnerat

Kukkunersuinermit Ataatsimiititaliap oqaaseqaatai nalilersuutit tullerriaarnerat tulliututigit allaqqasoq aallaavigalugu suliarineqarput:

Nalilersuutit tullerriaarnerat

Uparuaaneq pitsaasoq	Pitsaasorujussuurtut isigaa Pitsaasutut isigaa Naammaginartutut isigaa/naammagisimaarpaa
Uparuaaneq ajorpallaanngitsoq	Naammaginarpallaanngitsutut isigaa
Uparuaaneq naammaannartoq	naammaginangitsutut isigaa uparuarpaa/naqissuserpaa/peqqusivoq/naatsorsuutigaa ajuusaarutigaa/ernumanartippaa/aarlerinartippaa
Uparuaaneq sakkortoq	isornartorsiorpaa/isornartoqartippaa/sakkortuumik isornartorsiorpaa Uparuarpaa/sakkortuumik uparuarpaa
Uparuaaneq sakkortunerpaaq	sakkortuumik uparuarpaa immikkullu Inatsisartunut malugeqqullugu

2. Kukkuersiuermut Ataatsimiititaliamit Inatsisartunut inassuteqaatit

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni nr. 26, 28. november 2016-imeersumi kingusinersukkut allannguuteqartoq, kiisalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-mersooq naapertorlugit 2022-mut Nunatta Karsiata Naatsorsuutai pillugit Kukkuersiuermut Ataatsimiititaliaq isumaliutissiissut matumaniittoq tunniuppaa.

Inatsisartut inatsisaanni taaaneqartut §38 aamma §39 naapertorlugit Nunap Karsiata kukkuersiuisuanit Nunatta Karsiata 2022-mut naatsorsuutai nutarterneqarput, tamanna ima isumaqarpoq, Nunap Karsiata naatsorsornissaanut ileqqut malillugit 2022-mut naatsorsuutit ataatsimut isigalugit eqqortumik takutitsisimasut.

Nunatta Karsiata Naatsorsuutaanik kukkuersiueq kiisalu Kukkuersiuermut Ataatsimiititaliap naatsorsuutinik suliaqarnera tunngavigalugit **Nunatta Karsiata 2022-mut Naatsorsuutai Inatsisartuni akuerisassanngorlugit innersuussutigineqarput.**

3. 2023-mut Nunatta Karsiata naatsorsuutai pillugit Kukkuersiuisut oqaaseqaataat

Kukkuersiuisoq avataaneersoq Inatsisartunit toqqarneqartoq 2023-mut Nunatta Karsiata Naatsorsuutai pillugit oqaaseqaatiminik kukkuersiuisut nalunaarutaanni tunniussivoq. Nalunaarut kiisalu Naalakkersuisut tassunga oqaaseqaatai isumaliutissiissummi matumani ilanngussatut ilaatinneqarput. Nunatta Karsianut kukkuersiuisup oqaaseqaatai kiisalu tassunga Naalakkersuisut akissuteqaatai pillugit eqikkaaneri tulliuttutigut ersarissaavigineqarput.

Mittarfeqarfiiit suliffeqarfittut namminersortitatut ingerlajunnaarluni ingerlatseqatigiiffingornissaanut atatillugu aningaasat 170 mio. kr. Namminersorlutik Oqartussat isertitassatut allassimagaat Nunatta Karsianut kukkuersiuisumit pingaarnertut maluginiarneqarpoq. Namminersorlutik Oqartussat Mittarfeqarfinniit 2022-mut 115 mio. kr. missaanniittut aningaasat pisassatik 2022-mi isumakkeerinnissutigaat aammalu Mittarfeqarfiiit 2023-mi ingerlatseqatigiiffingortinneqarnerat Namminersorlutik Oqartussanut pitsaasumik sunniuteqarluni 55 mio. kr.-nik inernilimmik.

Nunatta Karsianut kukkuersiuisup 2023-mut Nunatta Karsiata Naatsorsuutai pillugit **nangaassuteqarnani oqaaseqaateqarfigai.**

Taamaattorli Namminersorlutik Oqartussat suliffeqarfittut angissusaa katitigaaneralu eqqarsaatigalugu Namminersorlutik Oqartussani nakkutilliisarneq naammassinnittuaannarneq ajortoq nunatta karsianut kukkunersuiisoq isumaqarpoq.

3.1. 2023-mut Nunatta Karsiata naatsorsuutai pillugit Kukkunersuiisut oqaaseqaataat

2023-mut Nunatta Karsiata Naatsorsuutai pillugit Nunatta Karsianut kukkunersuiisua nutaanik oqaaseqaatissaqanngilaq.

3.2. Ukiut naatsorsuuseriffiusut siulii pillugit kukkunersuiisut oqaaseqaataat

Ukiunut naatsorsuuseriffiusut siuliinut kukkunersuiisut oqaaseqaataat tulliuuttutigit allaqqasut suli ammapput, taamaattumik Nunatta Karsianut kukkunersuiisoq suli pissutsinut malinnaasoq.

Maluginiaqquneqarpoq, pissutsit ammasut pillugit Naalackersuisut suliniutinik aallartitsisariaqartut, kisiannili tassani sunniutissarpiaa suli takkunnikuunngilaq taassuma aalajangiiffigineqarneraniit sunniuteqarnissaanut piffissaq ingerlaqqaartussaammat.

1) Nammeneq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaanissaq (2013)

Akissarsiat tamakkiisut allattorsimaffiinik saqqummiussisarnissamut tassungalu nakkutilliisarnissamut systemimik nutaamik pisaarnerup kingorna akissarsiat tamakkiisut allattorsimaffiinik nakkutiginninneq pitsaanerulersimasoq Nunatta Karsianut kukkunersuiisoq nalilivoq. Taamaattorli susasaqarfiup iluani suli unammillernartoqarnera pequtaalluni kukkunersuiisut oqaaseqaataat attatiinnarneqassapput.

Naalackersuisut oqaaseqaataat:

Aningaasaqarnermut Sulisoqarnermullu aqutsiveqarfiup immikkoortortaasa iluini siunnersuisarluni suliniuteqaqqinnerit pitsanngorsaataasunut pequtaapput. Akissarsiat tamakkiisut allattorsimaffiinik nakkutilliineq akissarsianut systemip nutarterneratigit atuutilersinneqassaaq. IT-lerisut ilisimatitsissutiginikuaat systemimik nutarterineq, tassunga ilanngullugu akissarsianut systemi, suli kinguaattooqqasoq. Ilutigisaanik nakkutilliinerup ammasuunissaata nukittorsarneqarnissaa eqqarsaatigalugu akissarsiat tamakkiisut allattorsimaffiinut akuerisaasunut Nunatta Karsiata kukkunersuiisuata takunnissinnaanera pitsaanerulernikuuvoq.

*Nunatta Karsiata kukkunersuiisuata oqaaseqaatai ataatsimiititaliamit
maluginiarneqarput. Taamatutaaq Naalackersuisut oqaaseqaataat
ataatsimiititaliamit maluginiarneqarput.*

2) Pisortatut aaqqissuussanut allanut pissaqaqatigiissutsit naligiissarneqarnerat (2020)

Isertitat aningaasartuutillu piffissami eqqortumi naatsorsuinermit ilanngunneqartarnissaat naatsorsuutit eqqortumik takutitsinissaanut pingaaruteqartoq kukkunersuiisumit maluginiarneqarpoq. Illugiiffaarissutsip taassuma qulakkeerneqarnissaa pillugu 2022-mi annertuumik sulissutigineqarpoq kiisalu Namminersorlutik Oqartussat, pisortaqaarfiit aammalu ingerlatseqatigiiffiit tamakkiisumik pigineqartut akornanni pissaqaqatigiissutsit naligiissarneqarnerat 31.12 aallarnerfigalugu pisimasoq kukkunersuiisunit maluginiarneqarpoq. Naggataatigullu suliassanut nukiit atugassat naapertorlugit pingaarnersuiisoqartarnissaa suliassanut aalajangiisuusussaasoq kukkunersuiisumit maluginiarneqarpoq. 31.12 aallarnerfigalugu suli pisassarisanik peqarmat, tassunga ilanngullugit Kommune Kujalleq peqatigalugu isumannaagassanut tunngasut, kukkunersuiisut oqaaseqaataat suli ammapput. Tamanna 2024-mut kukkunersuiinermit atatillugu nunatta karsiata kukkunersuiisuanit malinnaavigineqassaaq.

Naalackersuisut oqaaseqaataat:

Akiitsortinut akiligassaqaarfinnullu allaffik ulloq 1. maj 2023 marlunnet avinneqarpoq, tamanna immikkoortortap nukittorsarneqarnissaanut aqutsisoqarnikkut qulakkeerinnittuulluni. Qitiusumik Naatsorsuuseriffik 2024-mi susassaqaarfimmut suli ukkatarinninniarpoq.

*Nunatta Karsiata kukkunersuiisuata oqaaseqaatai ataatsimiititaliamit
maluginiarneqarput. Taamatutaaq Naalackersuisut oqaaseqaataat
ataatsimiititaliamit maluginiarneqarput.*

3) IT- atuisunik aqutsineq (2021)

Kalaallit Nunaanni Namminersorlutik Oqartussani kukkunersuiinermit ilanngullugu Nunatta Karsianut kukkunersuiisup it pillugu nakkutilliinerup nalinginnaasup ilusaa atuutilersinneqarneralu nalilersuiffigaa. Kukkunersuiineq tunngavigalugu innersuussutit aalajangersimasut tulliuuttutigit allaqqasut Nunatta Karsianut kukkunersuiisup saqqummiuppai:

- Innersuussutigineqarpoq Naalackersuisut systeminut tamanut atuisut allaffissornikkut malitassaannik suliaqassasut, taakkua ukununnga tunngassuteqassallutik:
 - Atuisunik pilersitsinermut pisinnaatitaaffinnillu agguaassinermut periuseq.

- Piffissalikkamik (minnerpaamik ukiumoortumik) isissutissanik pisinnaatitaaffinnillu nalilersueqqinnissamut periuseq.
- Atuisut suliunnaarneranni piffissaq eqqorlugu atorunnaarsinneri.
- Innersuussutigineqarpoq periuseq Namminersorlutik Oqartussat iluani tamarmi atuutilersinneqarnissaata qulakkeerneqarnissaa Naalackersuisunit qulakkeerneqassasoq, taamaalilluni periuseq maleqqissaarneqqassalluni ataavartumillu nalilersueqqittarneq uppersarneqqartassalluni.

Kukkunersiuisut oqaaseqaatai suli ammatinneqarput.

Naalackersuisut oqaaseqaataat:

Naalackersuisut innersuussutigaat Digitaliseeriinissamut Aqutsisoqarfiup IT-mut immikkoortortaarfianut immikkoortortat qinnuteqarnerisigut atuisunik pilersitsineq atorunnaarsitsinerlu pissasut. Immikkoortortat immersugassamik immersuissapput taannalu sananeqarnissaanut peerneqarnissaanullu IT-qarfimmut nassiutissallugu.

ISO 27001 atuutilersinniarnearpoq nakkutilliinernillu ingerlaatsinillu assigiinngitsunik aalajangersaasuussalluni.

Nunatta Karsiata kukkunersiuisuata oqaaseqaatai ataatsimiititaliamit maluginiarnearput. Taamatuttaaq Naalackersuisut oqaaseqaataat ataatsimiititaliamit maluginiarnearput.

4) Pisiniartarfinnut akiitsut aamma aningaasaateqarfinni uninngasuutit naleqqatigiissinneqarnerat (2021)

Nioqqutinik pisinermi kiffartuussinermilu eqqortumik piffissalersuinerup qulakkeerneqarnissaanut atatillugu pingaarnertut nakkutilliineq tassaavoq pisiortorfinni avataaneersuni isumannaagassaqarfiit naligiissarneqarneri. Ukiup ingerlanerani immikkoortortap iluani periutsip nukittorsarneqarnissaa sulissutigineqarsimasoq kukkunersiuisunit maluginiarnearpoq, kisiannili ataavartumik ukiullu naanerani periuseqarnerup takutissimavaa akiligassaqarfinni isumannaagassat naligiissarneqartarnissaat suli pisariaqartoq. Taamaattumik sulinerup taassuma suli sukateriffigineqarnissaa kukkunersiuisunit innersuussutigineqarpoq, taamaalilluni pisiortorfinni atorneqarnerpaat qulit qaammatikkaartumik naligiissarneqartarnissaat ukkatarineqqassalluni, kiisalu naligiissarinerit nakkutigineqarsinnaallutik.

Kukkunersiuisunit oqaaseqaatit ilaannakortumik ammatinneqarput. Akiitsoqarfinni naligiissarineq ammatinneqarpoq, aningaasanik tigorianaannarnik naligiissarineq matuneqarluni.

Naalackersuisut oqaaseqaataat:

Qitiusumik Naatsorsuuseriffik upernaq suliniummik aallartitsipput, tassani immikkoortortaqarfik nakkutilliususaq akiligassaqaarfimmuut ikiuutissalluni pisiortorfiit peqatigalugit isumannaagassaqaarfiit naligiissarneqarnerinut.

Aningaasat tigoriaannaat naligiissarneqarneri eqqarsaatigalugit kukkunersiuinermut oqaaseqaatit kukkunersuisut avataaneersut matoreersimagaat Naalackersuisunit naammagisimaarneqarpoq. Taamatuttaaq Naalackersuisunit naammagisimaarneqarpoq pisiortorfinnut tunngatillugu naligiissaarisarnerup sukateriffigineqaqqinnissaanut Qitiusumik Naatsorsuuseriffik iliuuseqarsimasoq.

Nunatta Karsiata kukkunersuisuata oqaaseqaatai ataatsimiititaliamit maluginiarneqarput. Taamatuttaaq Naalackersuisut oqaaseqaataat ataatsimiititaliamit maluginiarneqarput.

5) ESU aamma BSU taarsigassarsititsinernik allaffissornerit

Aningaasanik attartortitsisarnermut systemi aqqutigalugu, nutaamik taarserneqartussa, 1,9 mia. Kr. missaani akiitsut pillugit ullumikkut Namminersorlutik Oqartussani allaffissornermi sulianut ilaapput. Aningaasanik attartortitsisarnermut systemip nutaap pissarsiarineqarnissaanut piareersarnermut atatillugu Namminersorlutik Oqartussat aningaasanik attartortitsinermut immikkoortortaanik ingerlatsinermi ajornartorsiutit arlallit maluginiarneqarsimapput. 2023-mi inernerit eqqarsaatigalugit annertuumik nalorninartoqartussatut nalilerneqanngitsunik ingerlatsiveqarnikkut unammillernartut pineqartut kukkunersuisumit maluginiarneqarpoq. Nunatta Karsiata kukkunersuisuanit maluginiarneqarpoq aningaasanik attartortitsisarnermut systemi nutaap pissutsinut pitsanngorsaataassasoq, kisiannili ilutigisaanik innersuussutigalugu aningaasanik attartortitsinerit nalunaarsorneqarnerisa ingerlaasaat taakkuninnga malitseqartitsisarnerit nalilersorneqaqqissasut.

Taamaattumik kukkunersuisut oqaaseqaataat suli ammatinneqarput.

Naalackersuisut oqaaseqaataat:

Aningaasanik attartortitsinerit nalunaarsorneqarnerisa ingerlaasaannik malitseqartitsisarnerit nalilersorneqaqqinnissaannut pisariaqartitsineq pillugu Qitiusumik Naatsorsuuseriffimmit isumaqataaffigineqarpoq, aammalu aningaasanik attartortitsisarnermut systemimut tunngatillugu ilusilersorluagaanerusumik malitseqartitsisarnissaq eqqunneqartariaqartoq. Taamaalilluni sulineq aningaasanik attartortitsisarnermut systemip nutaap ineriartortinneqarneranut atuutilersinniarneqarneranullu suliniummut ilanngunneqassalluni.

*Nunatta Karsiata kukkunersiuisuata oqaaseqaatai ataatsimiititaliamit
maluginiarneqarput. Taamatuttaaq Naalackersuisut oqaaseqaataat
ataatsimiititaliamit maluginiarneqarput.*

4. Aningaasaqarnermik kukkunersiuineq

Kukkunersiuisoq avataaneersoq Inatsisartunit toqqarneqartoq Namminersorlutik Oqartussat ukiumoortumik naatsorsuutai pillugit aningaasaqarnermik kukkunersiuinermik ingerlataqarnikuuvoq, tassani kukkunersiuinermut ilaatinneqarlutik naatsorsuutit sutigut tamatigut eqqortumik takutitsinersut, ima paasillugu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. November 2016-imeersoq kingusinnerusukkut allanngortinneqartoq naapertorlugu kiisalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersoq naapertorlugu annertuumik kukkunertaqassanngillat amigaateqaratillu.

Tulliuttutigut allaqqasuni pissutsit Nunatta Karsiata kukkunersiuisuanit aningaasaqarnermi kukkunersiuinermut maluginiarneqarsimasut misissorneqarput.

1) Nammineq nakkutilliineq

Suliffeqarfiup nalunaarutiginninnermik aaqquissuussai, suleriaatsikkut atugai aamma nammineq nakkutilliinerup illersorneqarsinnaasumik atuuffeqarnerannik naliliinerit kukkunersiuinermi ilanngunneqarput, tassanilu nalilersinnaajumallugu naatsorsuutinik saqqummiussinermut tunngavissat naatsorsuuserinermi piffissaq eqqorlugu nalunaarsorneqarsimanersut.

Naliliineq:

Nunatta Karsiata kukkunersiuisuata nalilerpaa suliffeqarfiup nammineq nakkutilliinera nammineq nakkutilliinernik illersorneqarsinnaasunik pigisaqarnermut aamma paasissutissanik naatsorsuutitut tunngassuteqartunik uppernassuseqartunik suliaqarsinnaanermut sutigut tamatigut sunniuteqaqataasut. Taamaattorli Nunatta Karsiata kukkunersiuisuata nalilerpaa:

- Susassaqarfinni ataasiakkaani nakkutilliinerit pilersinneqarsimasut sanngiippallaanngikkunik tamatigorluinnaq aalajangersimasumik ingerlanneqartanngitsut.
- Namminersorlutik Oqartussani aarlerinaatinik naliliinerit aamma aqutsinerit aaqquissuussaasumik aalajangersakkamillu suliarineqartanngitsut.

2) IT-mik atuineq aamma IT-mik nakkutilliineq

IT atorlugu nakkutilliinerit nalinginnaasut toqqarneqartut ilusii atuutilersinneqarnerilu kukkunersiuisunit nalilersorneqarput, taakkua ukiumoortumik nalunaarusiornissamut attuumassuteqarsinnaasutut nalilerneqarlutik.

Naliliineq:

Nunatta Karsiata kukkunersiuisuata nalilerpaa susassaqrarfiit pingaarutillit arlallit pitsanngorsaavigineqarsinnaasut. Tassunga ilanngullugu Nunatta Karsiata kukkunersiuisua susassaqrarfinni pitsanngorsaataasinnaasutut innersuussutinik tunniussaqrarnikuuvoq, taakkualu kukkunersiuisut nalunaarutaanni takuneqarsinnaapput.¹

3) Pisortat kontonut pilersaarutaannik ataatsimoorussamik atugaqrarneq

Pisortat kontonut pilersaarutaannik ataatsimoorussamik nutaamik ineriartortitsisoqrarpoq atuutsitsinermillu ingerlatsisoqrarluni Namminersorlutik Oqartussani kommuninilu aningaasaqrarnermik aqutsinermut pitsanngorsaataasussamik.

Naliliineq:

Nunatta Karsiata kukkunersiuisuata nalilerpaa ingerlatsivinni suli unammilligassaqrartoq – pingaartumik aningaasaqrarnermut kontonut pilersaarummik atugaqrarneq eqqarsaatigalugu, kontonut pilersaarutit pillugit paasinninnissamik pitsanngorsaaneq anguniarlugu sulianik ataavartumik ingerlatsisoqrarluni.

4) Innuttaasunut inatsit malillugu aaqqiissutinik utertitsineq

Erninermut atatillugu ullormusianik utertitsisarnerit annertuumik atuineruffiusut kukkunersiuisumit maluginiarneqrarpoq. Ilutigisaanik 2022-mi aamma 2023-mi Amaat/Ernereernermi aningaasaateqrarfik sinneqrartooteqrarujussuarsimasoq kukkunersiuisumit maluginiarneqrarpoq.

Naliliineq:

Amaat/Ernereernermi aningaasaateqrarfiup pilersinneqrarneranut atatillugu kommunit suleriutsiminnik tamakkiisumik allannguisimanngitsut qulaani allaqqasut takutitsisut kukkunersiuisup nalilerpaa, taamaattumillu namminersortuni sulisunut erninermusianik suli tunniussisarlutik. Tamanna ilumoornersoq paasiumallugu misissuisoqrarnissaa kukkunersiuisumit innersuussutigineqrarpoq.

5) Peqatigiiffinnut suliffeqrarfinnullu tapiissutit

Peqatigiiffinnut suliffeqrarfinnullu tapiissutit qanoq naatsorsuutinit allanneqrarternersut kukkunersiuisut nakkutigaat.

Naliliineq:

Ukiuoorumik naatsorsuutini peqatigiiffinnut suliffeqrarfinnullu tapiissutit atuuffitsik tunngavigalugit agguataarneqarsimapput. Nunatta Karsiata kukkunersiuisuata innersuussutigaa naatsorsuutini inissitikkat siunissami qulequttanut pingaarnernut

¹ Deloitte (2024): *Kalaallit Nunaanni Namminersorlutik Oqartussat: 2022-mi kukkunersiuisuinermit nalunaarut (Kukkunersiuisut nalunaarutaat)*, pp. 1436-68

pingasunut agguataarneqaqqullugit, tiguisusaaq pillugu erseqqissaasikkanik (kiffartuussinissamat isumaqatigiissutit, ingerlatsinermut tapiissutit, qinnuteqarnerup kingorna tapiissutit).

6) Akissarsiat utoqqalinersiallu

Nunatta Karsiat Kukkunersiuuata siusinnerusukkut kukkunersiuinermi oqaaseqaatai attatiinnarneqarput, taamatut pingaarnertut nakkutilliineq suli attuumassutilinni tamani ilimagineqartutuulli iluatsissimannginnera peqqutaalluni.

Naliliineq:

2024-mi tamakkiisumik akissarsiat allattorsimaffiunik nakkutilliinermut kukkunersiuisoq malinnaavoq.

7) Pisiniartarneq aamma kiffartuussinermullu akiliutit

Aningaasartuutit ukiumut naatsorsuuseriffiusumut eqqortumut allanneqarsimasut kukkunersiuusup ukiup naalerneranut atatillugu qulakkeersimavaa. Tassunga atatillugu annertuumik kukkusoqarsimaneramik takussutissaqanngilaq. Taamaattorli eqqaaneqassaaq Aningaasanut inatsimmi konto 31.03.33 atuinikiffiusimaneranut kommunit tallimaasunit pingasut utertitsinissamat qinnuteqaataannik tiguisoqarsimannginnera nassuiaataavoq.

Naliliineq:

Qulaani allassimasut tunngavigalugit kukkunersiuisoq ima paasinnippoq 2023-mut ukiumoortumik naatsorsuutini aningaasartuutit 4 mio. kr. missaanniittut amigaatigineqarsinnaasut.

8) Pisortortarfinnut akiitsut naleqqatigiissinneqarnerat

Ukiup ingerlanerani pisortorfinni avataaneersuni isumannaagassaqarfiiit naligiissarneqarnissaannut periutsip nukittorsarneqarnissaanik suliaqartoqarsimasooq kukkunersiuusumit maluginiarneqarpoq. Taamaattorli kukkunersiuinerup takutippaa naammattumik naligiissaarisooqartarsimanngitsoq, aammalu akiligassaqarfinni isumannaagassanik naligiissaarisooqartarnissaata suliarineqarnissaa suli pisariaqartinneqarpoq.

Naliliineq:

Akiligassaqarfinni naligiissaarisarnerup suli sukateriffigineqarnissaa kukkunersiuusumit innersuussutigineqarpoq, taamaalilluni pisortorfinni atornerarnerpaat qulit qaammatikkaartumik naligiissarneqartarnissaat ukkatarineqassalluni, kiisalu naligiissaarinerit nakkutigineqarsinnaallutik. Taamatuttaaq 31. december aallarnerfigalugu pisortortarfinnut akiitsut naligiissarneqartarnerat immikkut ittumik ukkatarineqartalissasooq kukkunersiuusumit innersuussutigineqarpoq.

- 9) Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit naligiissaarneqarnerat

Immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissaarinermik ingerlatsivigineqarsimasumik nassaassalluni ajornakusoortoq kukkunersiuusumit maluginiarneqarpoq.

Naliliineq:

Nuussinerit tamakkua digitalisererneqarsinnaanerannik misissuisoqaqqullugu kiisalu immikkoortumi sulinerup illuatungeriinnit tamanit salliunneqartalernissaa kukkunersiuusumit innersuussutigineqarpoq, taamaaliorneq allaffissornerup ingerlalluarnernissaanut sunniuteqarsinnaammat ilaatigullu immikkoortortani attuumassuteqartuni naatsorsuutunik allattuinermut pitsaassutsimik qaffassaataasinnaalluni.

- 10) Sillimmasiisarnerit

Suliffeqarfissuup sillimmasiisarneranut tunngasut kukkunersiuusumit ilanngunneqanngillat. Naatsorsuutit inaarutaannut tunngatillugu ulluinnarni aqutsisut kukkunersiuusumit piumaffigineqarput uppersarsassagaat suliffeqarfissuarmi ajutoortoqassagaluarpat naammattumik matussusiisinnaasumik sillimmateqartoqartoq.

Naliliineq:

Sillimmasikkat matussuserneqarsimanersut nalilersornissaat siunertaralugu sillimmasiinerit tamarmiutillugit minnerpaamik ukiumut ataasiarluni misissorneqartarnissaat kukkunersiuusumit innersuussutigineqarpoq.

5. Inatsisit atuutsinneqarnerannik kukkunersiuineq

Namminersorlutik Oqartussat 2023-mut naatsorsuutai pillugit inatsisit atuutsinneqarnerannik kukkunersiuineq avataaniit kukkunersiuusumit Inatsisartunit toqqarneqartumit ingerlanneqarnikuvoq, tassani inatsit, malittarisassat aamma nalinginnaasumik ileqqut malinneqarnerat misilerarneqartussaalluni. Sullissisarnerup (aqutsisut suliamut tunngatillugu nakkutiginninnerat) pitsaassusaanik ataqatigiissarluakkamik aammalu ilusilersorluakkamik uuttortaanissamut periusissiaqanngitsoq kukkunersiuusumit pingaarnertut maluginiarneqarpoq, aammalu inatsisinik aamma malittarisassanik allanillu malinninnissamut akisussaaffik naalakkersuisoqarfanni ataasiakkaaniittoq.

Taamaattumik suliap tamatuma nukittorsarneqarnissaa qitiusumit isumaliutigineqartariaqartoq kukkunersiuusumit innersuussutigineqarpoq, soorlu assersuutigalugu aqutsisunik suliamut

tunngatillugu nakkutiginnittussanik pilersitsinikkut. Taamatut pitsaassutsimik nakkutilliineq sullissinerup pitsaassusaanik nalilersuinissamut takussutissartalimmik tunngaviliisuusaaq.

Tulliuttutigut allaqqasuni Nunap Karsiata kukkunersiuisanit inatsisit atuutsinneqarnerannik kukkunersiuinermit maluginiarneqartut misissorneqarput.

1) Neqerooruteqartitsinermit malittarisassat aamma pisiniarnermit politikkit eqquutinneqarnerat

Neqerooruteqartitsinermit aamma pisiniarnermit politikkit eqquutinneqarnerat aamma neqerooruteqartitsinermit killiliussat eqquutinneqartinnerat kukkunersiuinermit sammineqarput.

Naliliineq:

Nunap Karsiata kukkunersiuisuata 2021-mi suliassaqaarfik itisilikkamik nakkutilliiffigaa, taamaattumik 2023-mut kukkunersiuineq sutigut tamatigut malitseqartitsinerusimalluni. Naatsorsuutinit immikkoortortat arlallit pisiat 500.000 kr. sinnerlugit akillit pisiniartarnermut allaffimmut nalunaarutigineqarnissaat pillugit malittarisassanik ilisimasaqarsimangillat. Taamaattumik innersuussutigineqartoq malittarisassanut allaffissornermut paasissutissiinermik sulineq pitsanngorsarneqaqqullugu.

2) Akissarsiat- aamma atorfinitsitsinermit atugassatut malitassat

Akissarsiat- aamma atorfinitsitsinermit atugassanik malitassat nalilersorneqarneri kukkunersiuinermit ilaapput.

Naliliineq:

Nunap Karsiata kukkunersiuisuata misissugassanik tigusinermit kukkunernik annertuunik naammattuugaqanngilaq. Taamaattorli Nunap Karsiata kukkunersiuisuata misissugassanik tigusinermit suliani ataasiakkaani uku ilaatinneqanngitsut paasisimavaa:

- Ukiut suliffiusimasut tunngavigalugit naatsorsuinerit eqqortut
- Atorfinitsitsinermit allakkiamik atsiukkamik uppersaatit
- Ilinniarsimanermit uppersaatit, ukiut suliffiusimasut tunngavigalugit naatsorsuinerit aamma suliffigisimasat uppersaataat CV

Tamanna tunngavigalugu isumaqatigiissutaareersoq malillugu aaqqiisummi tapinut tunngatillugu akissarsiat suussusii misissorneqartassat kukkunersiuisumut innersuussutigineqarpoq, tassani qulakkeerniarlugu sulianik/tapinik allanik eqqunngitsumik aaqqinneqarsimangitsunik peqanngitsoq.

4) Aningaasaliissutitut malittarisassat, taarsigassarsianut malittarisassat il.il., eqquutinneqarnerat.

Pisortaqarfinni aningaasaliissutitaqanngitsumi aningaasartuuteqartoqarsinnaanngilaq isertitaqartoqarsinnaananilu. Taamaattumik aningaasaliissutitut aamma taarsigassarsianut malittarisassat il.il. eqquutinneqarnerat kukkunersiuisunit nakkutilliiffiqeqarput. Ukiumoortumik naatsorsuutitut atasumik naatsorsuutitut nassuiaatit ilanngunneqartut Nunap Karsiata kukkunersiuisuanit misissorneqarput.

Naliliineq:

Ukiumoortumik naatsorsuutitut atasumik naatsorsuutitut nassuiaatit ilanngunneqartut Nunap Karsiata kukkunersiuisuanit misissorneqarput. Nunap Karsiata kukkunersiuisuata nalilerpaa naatsorsuutit nassuiaataat suli peqqissaarussaannerminni aamma nikingasoorummut tunngaviusunik allaaserinninnerit assigiinnigisaartut.

6. Ingerlatsinermik kukkunersiuiineq

Namminersorlutik Oqartussat 2023-mut naatsorsuutai pillugit inatsisit atuutsinneqarnerannik kukkunersiuiineq avataaniit kukkunersiuisumit Inatsisartunit toqqarneqartumit ingerlanneqarnikuvoq, tassani ingerlatsineq aningaasaqarnikkut isumatusaarluni ingerlanneqarsimanersoq misilerarneqarnissaa siunertaalluni. Taamaaliornikkut suliassaqarfimmi sipaarsinnaassuseq, pilersitsisinnaaneq aamma pitsaasumik ingerlatsineq pisimanersoq Nunap Karsiata kukkunersiuisuanit ukkatarineqassaaq.

Tulliuttutigit allaqqasut ingerlatsinermik kukkunersiuiinermi suliassaqarfinni Nunap Karsiata kukkunersiuisuanit maluginiarneqarput.

1) Sulianik- aamma nukissanik aqutsineq

Aqutsisut paasissutissanik naammattunik aamma uppernassuseqartunik piffissaq eqqorlugu aalajangiinernik tunngavilersorluakkanik aalajangiinissaminnut atugassaannut qulakkeerinnissutaasunik Namminersorlutik Oqartussat suleriaatsinik aamma nammineq nakkutilliinernik naleqquttunik pilersitsisimanersoq pillugu naliliinissaq kukkunersiuiinermut ilaavoq.

Naliliineq:

Sulianik- aamma nukissanik aqutsineq killilimmik annertussusilik taamaallaat ingerlanneqartoq (annertut ingerlatsinermik suliassaqarfimmi, taassuma ataani sulinermik ilinniarfinni, ulloq unnuarlu neqeroorutini aamma peqqinnissaqarfimmi) Nunap Karsiata kukkunersiuisuata nalilerpaa. Allaffissornermi suliassaqarfiunerusumi sulianik- aamma nukissanik aqutsinermut assersuutissanik nassaarniarnissaq ajornakusoorneruvoq.

2) Anguniakkanik aamma angusanik aqutsineq

Kukkunersuiinermi nalilissallugu siunertaavoq, Namminersorlutik Oqartussat suleriaatsinik aamma nammineq nakkutilliissutinik pilersitsisimanersoq, anguniakkanik Naalakkersuisunit aalajangersarneqarsimasunik Namminersorlutik Oqartussat nalunaarusiornissaanut qulakkeerinnissutaasinnaasunik.

Naliliineq:

Namminersorlutik Oqartussani ilisimaaralugu anguniakkanik- aamma angusanik aqutsinermut assersuutissat ikittunnguit kisimik pigineqartut, soorlu ukiup ingerlanerani angusarineqartuviit pillugit uppersaatinut paasissutissat killeqaqisut pigineqartut Nunap Karsiata kukkunersuiusuanit nalilerneqarpoq.

3) Pisiniartarnermik aqutsineq

Namminersorlutik Oqartussat pisiniarnermik isumaqatigiissutinik neqeroortitsisarnissamut suleriaatsinik aamma nammineq nakkutilliinermik naapertuuttuniik pilersitsisimanersoq pillugu naliliineq kukkunersuiinermut ilaavoq.

Naliliineq:

Naalakkersuisoqarfiit tamarmik pisiniarnissamut pisariaqartitat pillugit nalunaaruteqarsimangitsut kukkunersuiinermi erserpoq. Pisiniarnissamut paasissutissat paasissutissallu allat pigineqareersut naapertorlugit immikkoortortat sorliit neqeroortitsisinaanersut pillugit erseqqissaasoqarnissaa kukkunersuiusumit innersuussutigineqarpoq.

7. 2023-mut Nunatta Karsiata Naatsorsuutai pillugit Kukkunersuiinermut Ataatsimiititaliap misissuineranut tunngatillugu immikkut ittumik sammisat

2023-mut Nunatta Karsiata Naatsorsuutai pillugit Kukkunersuiinermut Ataatsimiititaliap misissuinerminut atatillugu ukua immikkut maluginiarpai:

1) Suliniutit piviusunngortinneqanngitsut

Konto 20.11.70, suliniutinut nutaanut sillimmatit, nikingasoqarnera pillugu ataatsimiititaliap misissuinermini Naalakkersuisunut apeqqutigaa. Meeqqanut tarnimikkut nappaatilinnut suliniutissat pilersaarutaasut ilaatigut sulisussaaleqineq peqqutigalugu piviusunngortinneqarsimangitsut ataatsimiititaliamit immikkut maluginiarneqarpoq.

Aningaasaliissutit immikkoortinneqartut atugassiissutigineqarsimanginneri ataatsimiititaliamit isornartinneqarpoq, tassami ataatsimiititaliamit ima paasineqarnikuvoq susassaqrifiup iluani suliniuteqartoqarnissaa annertuumik pisariaqartinneqartoq. Taamaattumik susassaqrifiup iluani suliniutit suut Naalakkersuisunit aallartinniarneqarnersut pillugit itinerusumik paasissutissiisoqarnissaa ataatsimiititaliamit kissaatigineqarpoq.

Tassunga tunngasumik Naalackersuisut ima ilaatigut paasissutissiipput, Naalackersuisut iliuusissatut pilersaarummik suliaqarlutik ingerlatsisut, tassani aaqiissutissatut siunnersuutit “Handlingskatalog for Psykiatrien”-imi allaqqasut atuutilersinneqarnissaat ukkatarineqarluni.

Aningaasaliissutit meeqqanut tarnimikkut nappaatilinnut suliniutinut atugassiissutaasut piviusunnagortinneqarsimannginneri ataatsimiititaliamit akuersaaruminaatsinneqarpoq. Taamaattumik ataatsimiititaliap Ilaqutariinnermut Peqqissutsimullu Ataatsimiititaliamut ajornartorsiutip malinnaavigineqarnissaa kaammattuutigaa. Taamatuttaaq maannakkumit suliaq ataatsimiititaliamit malinnaaffigineqassaaq.

- 2) Taamatuttaaq misissuinnermut atatillugu konto 24.10.10, nuna tamakkerlugu akileraarut, nikingassuteqartoq ataatsimiititaliamit maluginiarneqarpoq. Aningaasarpassuarnik kinguaattooruteqarnerit nalikilliliiffigineqarsimasut ataatsimiititaliamit immikkut ittumik maluginiarneqarpoq. Tassunga tunngatillugu Naalackersuisoq ima nassuiaateqarpoq, ataasiartumik nalikilliliissuteqarneq tassani pineqartoq, 100 kr. ataalluguluunniit annikitsigisunut killigigitap kingunerisaanik nalikilliliisarnerit ukiup siulianut inissitsiterinernut tunngassuteqarmata, taamanikkut inatsisitigut nalikilliliinissamut piumasaqaateqarnikuunani. Taamaalillutik Naalackersuisut siunissami nalikilliliinernik annertuunik pisoqarnissaa naatsorsuutiginnigilaat. Ajornartorsiut misissuiffigisariaqartoq ataatsimiititaliaq isumaqarpoq.

Kukkunersuinnermut Ataatsimiititaliap misissuineranut atatillugu paasissutissat ersarinnerusut ilanngussaq 1-imi nassaarineqarsinnaapput.

8. Ingerlatsinermik kukkunersuinerit anginerit

Kukkunersuinnermut Ataatsimiititaliamit ingerlatsinermik kukkunersuisut misissuinerannik anginernik 2023-mi Nunap Karsiata Kukkunersuisuanut inniminniisoqarnikuunngilaq.

Naalackersuisunut ilaasortanit ingerlatsinermik kukkunersuisut misissuinerannik anginernik 2022-mi Nunap Karsiata Kukkunersuisuanut tulliuttutigut allaqqasunik inniminniisoqarnikuuvoq:

- Qitiusumik ilinniarfeqarfanni aningaasaqarneq aningaasanillu aqutsineq pillugit misissuineq
- Ulloq unnuarlu neqerooruteqarfanni akissarsiat pillugit misissuineq

9. Suliffeqarfiit nammineertitat aamma Namminersorlutik Oqartussat ingerlatseqatigiiffiini kukkunersuineq

Nunap Karsiata kukkunersiuisua nangaassuteqarnani suliffeqarfiit nammineertitat naatsorsuutai pillugit kukkunersiuisutut uppernarsaammik tunniussivoq, tamannalu ima isumaqarpoq naatsorsuutit ataatsimut isigalugu eqqortumik takutitsisut.

Namminersorlutik Oqartussat ingerlatseqatigiiffiutaanni ukiumoortumik nalunaarutini aqutsisut nalunaarutaat kukkunersiuisut uppernarsaanerannik erseqqissaatitaqanngitsumik imaluunniit isorinnilluni oqaaseqaatitaqanngitsumik suliarineqarput.

10. Kommuninik nakkutilliineq pillugu ataatsimiititaliamit apeqqutit

Kommuninik nakkutilliineq pillugu Naalackersuisunut allakkatigut apeqqutinik kiisalu Kommune Kujallermi pisut pillugit immikkut ittunik apeqqutinik Kukkunersiuinermut Ataatsimiititaliaq suliaminut atatillugu nassiusaqarpoq.

Suliap isertuussassaanera peqqutigalugu kommunit nakkutigineqarnerat pillugu ataatsimiititaliap suliaa kisimi isumaliutissiisummi matumani suliarineqarpoq. Apeqqutit akissutillu ilanngussaq 3-mi nassaarineqarsinnaapput.

Naalackersuisut kommuninik nakkutiginninnerata ilaatigut nukittorsarneqarnissaanut periarfissaasinnaasutut isumaliutigineqarsinnaasut ataatsimiititaliamit eqqartorneqarput. Kommunit nakkutigineqarneri pillugit aaqqissuusseqqinnissamut periarfissap Naalackersuisunit nalilersuiffigineqarnissaa ataatsimiititaliamit isumaqataaffigineqarpoq.

Tamatuma saniatigut Kommune Kujalleq pillugu suliap Nakkutilliisoqarfimmut tunniunneqarnissaanut periarfissat Naalackersuisunut eqqarsaatersuuteqarfigeqqullugit ataatsimiititaliamit kaammattuutigineqarpoq.

Kommune Kujalleq pillugu suliaq ataatsimiititaliamit siunissami malinnaavigineqassaaq.

11. Kukkunersiuinermut Ataatsimiititaliap Nunatta Kukkunersiuisussaatut innersuussaa

Nunatta Karsiata Naatsorsuutaanut kukkunersiuisussaq Kukkunersiuinermut Ataatsimiititaliap inassuteqaataa malillugu Inatsisartunit toqqarneqartarpoq tak. Inatsisartut suleriaasianni § 25, imm. 2.

Statsautoriserede revisionsaktieselskab Deloitte Nunatta Karsiata 2024-mi naatsorsuutai pillugit kukkunersiuisussatut Kukkunersiuinermut Ataatsimiititaliamit inassuteqaatigineqarpoq.

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappasaaniigassanngortippaa.

Mikivuk Thomassen
Siulittaasoq

Nivi Olsen
Siulittaasup tullia

Pipaluk Lynge

Doris J. Jensen

Karl Tobiassen

Ilanngussat allattorsimaffiat:

Ilanngussaq 1: Kukkuersiunermit Ataatsimiititaliap apequtaanut kiisalu 2023-mut Nunatta Karsiata Naatsorsuutai pillugit malitseqartitsilluni apeqqutinut Naalackersuisut akissutai.

Ilanngussaq 2: Kukkuersiuisut oqaaseqaataannut kukkuersiuisumit saqqummiunneqartunut Naalackersuisut oqaaseqaataat, tak. kukkuersiuisup nalunaarutaa

Ilanngussaq 3: Kommunit nakkutigineqarnerat pillugu ataatsimiititaliap apeqqutai aammalu Naalackersuisup akissutai